

近代中國史料叢刊第九十輯

沈雲龍 主編

君憲問題文電彙編

籌安會編

文海出版社

有限公司印行

君憲問題文電彙編第壹編目次

籌安會與各省機關及各團體往復電函 自八月二十九日 至九月二十九日


各省將軍師長呈 大總統電 自八月二十五日 至九月二十九日

各省商會致北京商務總會電 自九月六日 至二十九日

各省回教俱進會致北京回教俱進會本部電 自八月二十五日 至九月二十九日

各省將軍巡按使致參政院電 自九月十五日 至三十日

各省將軍巡按使致全國請願聯合會電 自九月二十一日 至三十日



籌安會致各省通電

各省將軍巡閱使巡按使都統護軍使各省城商會上海漢口商會均鑒
我國辛亥革命之時人民激於感情但除種族障礙未計政治進行倉卒
制定共和國體國情適否不及三思深識之士明知隱患方長而委曲附
從以免一時危亡之禍故自清室遜位民國創始絕續之際以至臨時政
府正式政府遞嬗之交國家所歷危險人民所感痛苦舉國上下皆能言
之長此不圖禍將無已近者南美中與二洲共和各國如巴西阿根廷秘
魯智利猶魯衛芬尼什拉等莫不始於黨爭終成戰禍葡萄牙近改共和
亦釀大亂墨西哥自爹亞士遜位黨魁擁兵互競勝則據土敗則焚城卒
至五總統並立陷國家於無政府之慘象我國亦東方新造之共和國家
以彼例我豈非前鑒美國者世界共和之先達也美之大政治學者古德
諾博士即言君主實較民主爲優中國尤不能不用君主國體此義非獨

古博士言之也各國明達之士論者已多而古博士以共和國民而論共和政治之得失自爲深切著明乃亦謂中美情殊不可強爲移植吾國人士乃反委心任運不思爲根本解決之謀甚或明知國勢之危而以一身毀譽利害所關憚於發議將國民義務之謂何我等身爲中國人民國家之存亡卽爲身家之生死豈忍苟安默視坐待其亡本會之立特以籌一國之治安研究君主民主國體二者以何適於中國專以學理是非事實利害爲討論之範圍至範圍以外各事本會概不涉以及此爲至嚴之界限將以討論所得貢之國民特此布聞伏維鑒察籌安會謹

籌安會請各省遣派代表通電

各省將軍巡按使都統巡閱使護軍使各省城商會上海漢口商會均鑒本會宗旨昨已電達惟事關根本安危應合全國上下共同研究擬請派遣代表來京加入討論如承允許乞將代表姓名電知以便接洽無任禱

盼籌安會敬

籌安會致各商會電

蘇州蕪湖寧波常德重慶景德鎮廈門南通崇海泰縣油頭梧州九江桂林天津張家口烟台山海關營口安東長春正陽關哈爾濱大通歸化城熱河柳州百色廳青島潯州龍州慶遠周家口各總商會鑒本會宗旨討論君主民主何者適於中國專以學術是非事實利害爲範圍請派代表加入討論無任禱荷籌安會

吉林王巡按使電

籌安會電悉派烏澤聲史啓藩兩人代表到會發表意見并照來電所限範圍討論一切掛唐有印

河南趙將軍電

籌安會電悉敝處現派顧參謀憲曾代表入京參與討論特覆趙個徑印

山西商務總會電

籌安會鑒兩電悉貴會發起討論國體爲國家謀鞏固卽爲商民造幸福本會極端贊成已舉定代表渠本澄赴京與會肅此電覆晉總商會全體
裴清源渠本澄等叩徑

山西閻將軍電

籌安會鑒兩電均悉貴會討論國家安危根本問題卓識偉論無任級佩已遵囑派遣代表崔廷獻南桂馨赴會討論乞賜接洽時盼教言錫山有
福建許巡按使電

籌安會鑒兩電均悉茲派發往福建道尹許兆桂爲代表日內卽赴京世
英有

河南田巡按使電

籌安會鑒兩電均悉貴會鑒于南美中美二洲共和各國近時慘劇爰集

同人討論國體關係國家人民存亡先死大計集合全國上下共同研究卓識偉論至堪欽佩敝處現已遴派鄭焯赴會參同討論矣先此電復文烈宥

湖南湯將軍電

籌安會鑒敬日奉電兩通誦悉一是貴會諸君集合同志討論國體追溯倉卒定制之由來歷引各國共和之前鑒期以藏往知來折衷至當決定適當國情之國體造端宏大欽佩同深分屬國民於國家安危所繫未容默爾所有愚見已派胡君瑞霜代表蒞會陳述一切到時敬祈俯賜接洽爲幸薌銘宥

山西閻將軍電

籌安會劉申叔先生鑒來電誦悉除前電已派代表崔廷獻南桂馨赴會茲復加派邢殿元馬駿徐一清范元澍爲代表請卽轉達爲盼錫山宥

甯夏馬護軍使電

籌安會鈞鑒尊電敬悉老成謀國思遠慮深根本之籌君主爲是幹旋補救是所望于羣公爛縵光華佇廢歌夫復旦福祥宥

陝西呂巡按使電

籌安會公鑒續電敬悉謹派本署諮議分發陝西任用存記王錫齡爲代表與會隨同研究到時希接洽爲荷調元寢

吉林將軍公署及商會電

籌安會鑒現派佟慶山趙大一楊策代表來京加入討論請接洽吉林將軍公署商會寢

綏遠潘都統電

籌安會鑒兩電均悉吾國建造共和本係倉卒制定誠如來電所論未能適合國情貴會爲謀國家永久安全計擬集國內明達開會討論洵屬切

要之圖敵處現請公府侍衛武官何君佩文代表赴會即希接洽爲盼矩
楹宥

漢口梅紳等公電

籌安會鈞鑒竊辛亥改革寶璣身在行間當時迫於衆議暫定共和一以
免戰禍之延長一以促清廷之退位勉強遷就良非素心數載以來內亂
相尋幾無甯日雖賴我

大總統神武戡定獲覩乂安而國本未固來日方長南美覆車可爲殷鑒夫政
治之爲用務求適合國情况國體之良窳實全國安危所繫豈可掉以輕
心不爲計及長久懷此欲吐歷有歲時幸得諸君子共矢宏願開會討論
迭聽之餘無任佩慰用特馳電以表贊同鄂紳梅寶璣等十六人公叩
西安呂巡按使電

籌安會鑒來電誦悉共和政體本係政治學者理想之談非如美法二國

確有特殊情形決不能推行盡利墨巴阿秘諸國勉強效顰爭奪紛紜遂階擾亂殷鑒具在可考而知自歐戰發生各交戰國強弱利鈍與其國所採用政體息息相通昭然若揭竊意今後立國必組織強有力政府除去行政上一切障礙使政府運掉靈捷指揮全國若機械然始足以圖生存而謀發展學者論調亦將犧牲其理想之主張無復空言高遠以自束縛考大勢所趨不可逆也吾國歷史既無共和先例可尋而人口衆多幅員廣袤控馭之勢有類搏沙政治常識又復薄弱盲行民主萬不適於國情四年以來任舉一事千迴百折始得程功政府進行諸多窒碍已往事實無可諱言循是不變則阻滯牽掣決不能當歐戰以後之潮流又況選舉競爭無論任期短長終必有屆期之一日每選舉大總統一次輕則植黨重則稱兵國內騷然風潮震盪脫有破裂外患乘之瞻念前途不寒而慄夫果爲真正民意所在其弊害猶不可勝言矧所謂民意者徒爲二三狡

黠者藉口之資浮慕虛名甘蹈實禍以此求治豈非背馳上年約法會議議決大總統選舉法商民鼓舞以爲可以暫慶安寧而猶慮其未盡美善蓋民主之不如君主盡人皆知徒以事體重大憚於發議相率緘默實違本心諸公遠矚高瞻發爲偉論此四萬萬人民所禱祀以求而未敢遽出諸口者實則國家根本安危於是乎賴聞風歡躍詎可名言特電贊成並抒鄙見伏乞教正調元宥

湖北王將軍段巡按使電

籌安會鑒漾敬兩電敬悉共和政體不適國情諸君子憂深思遠提倡君主立憲極表同情占元擬派參議何佩鎔書雲擬派秘書查爾崇來京隨同討論候示期起行王占元段書雲宥
長沙嚴巡按使電

籌安會兩電敬悉國本大計深佩蓋籌遵派代表與聞討論謹覆家熾叩

感

陝西商會電

籌安會鈞鑒兩電悉君主民主問題以學理是非事實利害爲範圍所見甚是但事關重大已由此間公推代表藍文錦赴貴會加入討論謹覆陝商會叩

陝西陸將軍電

籌安會公鑒電悉昔當共和初建在深思遠慮之士固早已知其非計特未肯遽宣諸口耳近以歐戰借鏡益覺吾國現狀非速改君主無以救亡勢理昭然已爲天下所共認公等審度時機首倡偉會大局所關極願懇誠贊助除已商由劉幫辦代表赴會接洽外特奉達建章感

山西商會電

籌安會鑒前電派渠本澄茲續派裴清源范元澍代表與會特聞台商會

叩

四川陳將軍電

籌安會鑒兩電悉敝處派范少將熙績爲代表特聞宣叩

甯夏馬護軍使電

籌安會鈞鑒電悉敝署參謀余鼎銘以事在京業已派爲代表電飭到會

接洽矣馬福祥勳

歸化章總管電

籌安會公鑒近閱貴會通電主張討論國體敝旗開會討論一致贊同特

派張祖蔭君代表赴會以爲各蒙旗倡卽希接洽爲荷土默特總管章夔

一儉叩

綏遠潘都統電

籌安會鑒宥電諒察何君佩文業已赴滇茲改派徐春航代爲赴會到時

六

北京正蒙印書局代印

卽希接洽爲盼潘矩楹勸

福州李護軍使電

籌安會電悉敝處已派本署副官李厚恩爲代表卽日赴京李厚基勸卽
開封唐旅長等公電

籌安會諸公鑒來電敬悉我國不宜共和政體久爲中外人士所稔知雖
屬婦孺亦同喻此義一經選舉更代必有一番競爭其中危險殆有不可
思議者若改爲君主立憲不特杜絕競爭亦且政令唯一轉弱爲強實在
此舉凡在豫省軍界同人全體贊同務祈諸公力主君憲毋爲謠詠所動
是所切祝旅長唐天喜成慎柴得貴全叩勸

廣東龍將軍電

籌安會諸公鑒兩電奉悉事關根本至計蓋籌極佩囑派代表蒞會容卽
遴派姓名另電布達特覆龍濟光勸卽

貴陽龍巡按使電

籌安會鑒本署派蹇季常陳敬民黎伯言任宗珏諸君到會研究此覆建章豔

福建許巡按使電

籌安會孫少侯君鑒茲加派林萬里梁鴻志二君爲代表特達許世英豔印

雲南唐將軍任巡按使商會電

籌安會鑒電悉已派楊晉趙鶴齡周鍾嶽楊本禮充滇省軍政商界代表就近赴會陳述希賜接洽爲盼唐繼堯任可澄暨商會同叩卅

上海總商會全國聯合會電

籌安會鑒電悉已電請駐京商會代表張弼士孫蔭庭馮潤田李勁鳳呂超伯宋渭潤諸參政就近研究矣上海總商會全國聯合會總事務所卅

歸德寶鎮守使鄂參謀長電

籌安會鈞鑒電悉謀遠籌深異常欽佩德全等極表同意鎮守使寶德全參謀長鄂保榮叩卅

開封教育會農會商會電

籌安會鑒電悉貴會爲國家籌治安爲人民謀幸福識卓慮遠欽佩良深敝會等極端贊成會商舉定代表杜光俊卽日赴京謹先電聞河南省教育會長郭景岱省農會長趙彥卿總商會長羅以忻杜光俊卅

貴陽劉護軍使電

籌安會鑒敝處派前政治會議議員王伯羣任代表尅日起程劉顯世卅
一印

濟南蔡巡按使靳將軍電

籌安會代表公署派艾君慶鏞軍署派李君書勳靳雲鵬蔡儒楷卅一

成都總商會電

籌安會鑒敝會派李啓勳任嶧爲代表任寓京已電達李尅日首程成都
總商會卅一印

天津體育總社電

籌安會鑒貴會討論國體爲維持久安起見敝社全體極表同情天津體
育總社叩

杭州總商會電

籌安會鑒兩電均悉公推王君錫榮代表參與討論杭總商會東
開封商會聯合會事務所幹事長各縣商會代表魏步雲電

籌安會鈞鑒兩電謹悉國家大計須因時以制宜庶永久可蒙福諸公謀
深慮遠洞察全局提倡君主立憲逖聽之餘極深欽佩謹先肅電藉表贊
同河南商會聯合會事務所幹事長各縣商會代表魏步雲叩東

杭州朱將軍電

籌安會鑒尊電均悉貴會究國體之異同論立制之得失鑒中外預圖治安造端宏大欽佩同深茲派程恩培葉煥華胡維棟前赴貴會參與討論希賜指教爲幸朱瑞印

杭州屈巡按使電

籌安會鑒尊電均悉貴會日擊艱危討論國體籌長治久安之道苦心閱識欣佩良深茲派萬德尊汪瑩屈毅前赴貴會共同討論希賜接洽爲荷
屈映光印

武昌商務總會電

籌安會鑒前電敬悉研究國體問題事關國家根本大計此舉至爲重要應遵通電派員與會敝會現經公舉呂參政達先爲湖北商界代表除逕電呂君知照外請就近接洽餘函詳武昌商務總會東

黑龍江朱將軍電

籌安會茲派蔡運升錢大鏞代表到會加入討論希卽接洽朱慶瀾

嘉興蔡紳等公電

籌安會長鈞鑒今日立國非君主無以救亡紳已提倡聯請參政院代陳非求貴會扶持恐不足以資鼓勵文容賚呈謹先電達浙紳蔡鴻鈞等叩貴陽巡按使公署電

籌安會鑒本署前委派陳敬民君赴會現陳君有事不就請託石毓崑君辦理希查照黔公署東

寧夏馬護軍使電

籌安會鈞鑒勸電派余鼎銘代表與會想早接洽惟茲事體大擬加派代表以昭慎重茲查前政治會議議員楊增炳頗有經驗派令與余鼎銘一同蒞會討論望併接洽馬福詳東

新疆楊巡按使電

籌安會鑒新疆代表擇派楊增炳商會代表並擬派楊增炳除電該員蒞會接洽外謹此電復新疆巡按使楊增新東

湖南嚴巡按使電

籌安會鑒敝處代表已派分發湖南劉道尹樽到會討論希與接洽嚴家熾冬

西安公民黃兆麟等電

籌安會鑒遠徵歐戰強弱之判近察國民程度之宜貴會宗旨極表贊同並希列入請願書彙呈爲盼特達陝西公民黃兆麟寇南曹驥觀高增秩鄭尙貞周鏞藍文錦郭毓章高琦度薛秉壬任廷琇張鍾鼎王季斌劉暉宋鼎景凌需王佑孫懋容孟光張宗福譚煥章高士鵬公叩

漢口總商會電

籌安會鑒兩電悉敝會公舉議董周魯孫翰兩君代表與會請接洽漢總商會冬

上海華僑聯合會電

籌安會諸君公鑒艷電敬悉重洋駕遠祖國內情動多隔閡諸公發起斯會知關全國大計匹夫有責不敢自棄謹遵囑選舉吳蔭培高子白二君代表赴會討論華僑聯合會冬

懷慶方鎮守使電

籌安會公鑒來電敬悉國體問題關係至鉅諸公開會研究首倡偉論逖聽之下深表贊同豫北鎮守使方有田

天津公民甯世秘等公電

籌安會鑒直隸公民等開會籌議僉以我國情勢君主最宜長治久安端賴此舉國家幸甚人民幸甚公民甯世秘卞蔭昌李夢吉劉坦李向辰徐

誠楊以儉張鎰葉登第武國楠等江

成都陳將軍電

籌安會鑒敝處代表現擬加派鄭君萬瞻乞接待爲荷陳宦叩江印

盛京東三省實業會暨旅遼連哈中西紅十字會電

籌安會鑒貴會爲國籌安爲民謀福識卓慮遠欽佩良深敝會中外僑商
分會五商同意極表贊成舉定湖廣同鄉實業總會長拱衛軍司長京旂
副都統鐵忠前兼暫護興京副都統東三省鎮撫局督辦陳璋前翰林院
侍讀學士富爾遜爲代表謹先電聞東三省實業會暨旅遼連哈中西紅
十字會絳

蘭軍張將軍電

籌安會電悉敝處已電託王君賢賓代表與會討論一切張廣建儉

成都川路公司電

籌安會鑒貴會宗旨極表贊同已派主席董事王珥瑜代表到京與會合先電達川路公司總理時霖董事王珥瑜馮國昌邱本岑劉亞覺談樹嘉查帳人劉漢章李善叩江

蘭州總商會電

籌安會公鑒來電敬悉貴會籌辦碩畫吾甘商界極表同情已電請侯騰雲郝登吾楊增炳楊繼緒爲甘省商界代表赴會討論請接洽爲禱甘肅總商會

上海鄭鎮守使電

籌安會鑒冬電敬悉敝署已派王吉檀卽日赴會加入討論希賜接洽爲荷鄭汝成江

寧德賀知事電

籌安會鑒中國安危關係宏遠諸公此會深表同情碩畫良謨尙懇見教

福建寧德知事賀民範叩江

江西李將軍戚巡按使函

敬覆者疊接電示敬聆種切貴會爲國家計長久爲人民保安全爲宵小絕覬覦爲強鄰消窺伺偉謀深識紉佩莫名我國素爲君主政體世之人動稱唐虞官天下實則堯舜與禹皆爲同姓本支不遠雖官天下猶家天下也是以大禹承堯舜之後不敢墨守傳賢之成法至於燕噲妄學唐虞因慕虛名卒召實禍論者非之自時厥後罔有蹈其覆轍者遐想漢唐盛時能延至數百年閭閻康樂惜其時未諸立憲之制耳君主而立憲必卜億萬年有道之長自歐戰發生世界學說爲之一變鑑於墨西哥之亂德意志之強得失昭然無待著蔡矣竊以爲國家之幅幘太廣則統治之權不可以不尊人民之程度太卑則輔翼之功不可以不久元氣有限屢傷之則培養愈難寇盜無厭稍縱之則蔓延益易安危大計關係匪輕與其

亡羊而補牢不如羨魚而結網敢陳崖略藉表同情純揚等合遣存記道尹黃邦俊存記分發程用傑代表來京加入討論附羣賢之班末作一致之進行尙望時錫教言共維大局不勝屏營迫切之至特此奉復并頌

公綏李純戚揚謹啓

天津商會電

籌安會公鑒電悉敝總理葉登榜先自前往與會祈接洽津商會支

南昌農會電

籌安會鈞鑒敝會已派代表周九齡赴會與議謹先電聞江西省農會叩

貴陽總商會電

籌安會鑒兩電悉黔舉石書麟谷紹華代表加入討論特聞黔總商會叩

歸化全區紳商電

籌安會公鑒電悉我國改建共和已屆四載民情國勢諸不適宜貴會以

是非利害囑派代表討論國體係爲上固邦基下奠民生大局前途實幸賴之除公推李君景泉代表全區先行赴會外茲綏遠商界公推劉君兆瑞紳界公推郭君象俊代表與會望賜接洽合亟電達用表贊忱綏遠全區紳商范瀛洲武爾功等全叩支

新疆楊巡按使暨各盟長等公電

籌安會鑒君主立憲新疆各界均表同情共派楊增炳爲代表特此電達將軍銜督理新疆軍務巡按使楊增新舊叶爾扈特北達葆盟長親王毯鄂羅勒莫札布西部落盟長郡王諾爽博三丕勒東部落署副盟長倭羅拉格爰札布和碩特中旗盟長補立瓦楞造哮宿回部親王沙木胡索特吐魯番回部親王葉明齋協彬車回部親王買買的敏阿兌蘇回部郡王銜貝勒哈的爾拜城四部貝子司迪克烏人回部貝子銜輔國公依不拉引和闐回部鎮國公木沙塔城參贊汪步端阿爾泰辦事長官劉長炳喀

什提督楊得勝伊犁鎮守使楊飛霞陸軍旅長蔣松林新軍統領馬福興等同叩再舊吐爾扈特東部落正盟長親王帕勒塔在京南部落盟長戡王布彥蒙庫已進京覲見在途故電內未列名增新支印

天津商團電

籌安會鑒君主國體最合時勢永保治安全體贊成天津商團

湖南全省商輪公會電

籌安會鑒電悉籌更國體措天下於泰山之安惟祈諸公積極進行早慰民望湖南全省商輪公會郭人亮沈鴻儀夏必藩等叩支

張家口公民王文炳等公電

籌安會鈞鑒貴會君主立憲主義敝區全體公民贊成謹派張欽孟儒珍代表請願卽祈接洽察哈爾公民王文炳張旱藻張儒張秉鑑溫廷相謝維翰郭襄周昭文王儒張學勤等叩微

杭州商務總會顧總理電

籌安會鑒東電推王錫榮代表茲加陳君炳鏞請接洽杭州商務總會總理顧松慶微

蘭州馬提督電

籌安會鈞鑒儉電敬悉共和國體隱患方長美洲前鑒不遠何可蹈其覆轍亟宜度勢審時早定大計倘有不逞之徒橫生阻力安良當執銳披堅願隨諸君子之後除派陸軍中將馬廷勳赴京代表外謹先奉覆甘肅提督馬安良叩微印

河南全省孔社安陽教育會商會全體電

籌安會鑒貴會審時度勢提倡君主救國安民同深欽佩公推王集曾樊德光楊繼緒赴會討論河南全省孔社安陽教育會商會全體公叩

吉林巡按使公署函

敬啟者貴會研究根本大計關係綦重非策羣力互相商榷不足以期完善敝會現加派代表陳介一員赴會討論即希查照爲幸此頌公祺

山東旅京商務促進會函

籌安會鈞鑒貴會究國體之異同論立制之得失取鑒中外預圖治安提倡君主立憲深謀遠慮欽佩同深本會極端贊成爰招集會員公推梁君文燦閻君茂達代表前赴貴會共同討論希賜接洽爲幸

河南回教俱進會電

籌安會楊孫諸君鑒閱報載貴會發起討論國體此舉實爲根本久安大計諸君引天下之重爲己任莫名欽佩敝會同人全體贊成洛陽回教俱進會會長孫琪華副會長沈桂芳馬俊邦評議長馬俊傑等叩

南京商會電

籌安會鑒敝處王子衡代表參與討論南京商會魚

懷慶公民張文濬電

籌安會鑒諸公提倡君憲政體中國轉弱爲強全賴此舉卓識偉論無任
欽佩懷慶張文濬叩魚

衛輝商務會長吉星照電

籌安會鑒諸公發茲宏願集會籌安宗旨純正汲民歡迎商界全體均表
同情願卽加入附驥而行倘蒙承認希電復卽來京汲縣商務會長吉星
照叩魚

青海巴勒珠爾布拉坦等公函

逕啓者茲聞貴會以政體爲國家根本設會研究期臻盡善盡謀遠慮欽
佩莫名敝爵等實深贊同惟距京路遠不獲趨聆教言頃已繕具請願書
請參政院竭力主持茲特委託李君詭馮君汝玖爲青海各旗代表赴貴
會討論所有一切事宜請向李馮二君就近接洽可也此請籌安會公鑒

西安呂巡按使電

籌安會鑒敝署現擬加派李鏡湖胡璧城兩君代表添入貴會隨同研究希接洽爲荷呂調元魚

長沙木商公會電

籌安會鑒民國成立幾經變亂商人實受痛苦論中國歷史君主適合國情謹佈下忱用表同意湖南木商公會叩麻

杭州朱將軍屈巡按使電

籌安會鑒前電計達茲加派董元春樂德光二君赴貴會討論希賜接洽爲盼朱瑞屈映光印

上海鄭鎮守使函

逕啓者前准貴會電囑派員加入討論業經電復派遣王吉檀卽日赴京計已察入茲飭該員資函逕詣貴會聽候集議用特函達希卽查照並派

員接洽爲荷此致籌安會鄭汝成啓

歸綏回教俱進會電

籌安會公鑒我國辛亥改革倉卒未審國情遽建共和三四年來禍亂頻仍言念及此實深慘然茲悉貴會發起倡改君憲政體爲國家謀福利本會同人全體贊成特聞歸綏回教俱進會叩

四川旅甘商會電

籌安會鑒君主立憲實爲國利民福請張毓巖孫賢兩君代表贊成四川旅甘商會全體同叩

南昌商務總會電

籌安會鑒兩電敬悉公推鄒安孟饒孟倬爲代表請加入討論南昌商務總會魚

重慶總商會電